

atottij, gato gopeleoei mōgoe solieoei ansema paseg tepiag alligōe. Sgemitog menigoeog pegoatelasigeg, Egian Glesmes netoisgetōg, Antle Pernal sagmao pegoatelgeg gis tapotelgel epgesigen oegōgmag, sgemitog esgisōgnig neogte epgesigen, sgemitog oagmetgog gis agnotemat ogoatelemen Piel Tonieoei mao oentjigōōma gelolg na tjinem tan telategetja, pigoeig solieoei etjigelatōg otjit oigema lno, ag oetjiep oagmetgog tōg menaloteg notji alasotmata, me nige tetottjio menag etog oetjiat tan oen nigani alasōmmas. L. E.

**TATJESTELG**—6 sigōgos 1910—Gatlin Lamgoin notjōtg oig ogelamosisel Islelal ag otosel Salaal.

Agnotemagantjitel oen petgitgel otjit solnaltjiti angōtg o'oligemen lnoigtog.

### ALASOTMELSEOANETJ

**PIEL GLŌSPELOG** neppenag pagtengeg, apignatjitō 10 tesogoniliteg, alames Saln Glōspel ag otepitemel oigotemitis listogotjg otjit pagōoingeoei tepg. nanogonitja.

**MALGELIT PAILNAPĒOG** neppenag gōspemg 17 tes. sigōgoō, paseg nesililitji tepg. teli pgitji gsinogootag.

**ISLEL NAGOTISGOŌG** amlamgog tlelag neppenag 18 tes. apignatjitō, naglatji 4 onitjin.

Lōg moloatemotjig lnoog oegōgmag metlasagigel petgitemittji otjit gpesingeoemno Setan tan eloasit pemi panlag, msset mimatjainog osaliteoatagenemoōo ag P. Pasg geptin.

### AMALGEOAGANI NPOAGAN

Nagoeg pageoimgeg oelagoeg sagaoei magamigeoigtog gtjigantjijigtog Ogoelit teloisig pōgtji amalgaltinges tan totjio gegogeg stōgōn pōgtji nogoeog oetnisiet, ag opogtjig nagela nasonig-enel eli sisoeigel, oetji gagsoltitjig maloi pigoeig ag gteig teli goetatotjig, tōgo mesi pantatasitnog gagan ag pōgoatigen geolag, oetjlag tanig mo gagsoltitioog gagi nogopgetesgotjig, 300 gisna 400 teli eoli npegig ag 100 tjilipelnottjig.

Eoletjg etog tan teli gisgatjegig nagela otetli mesoasin Gisolgol oplaganeg tan teli maligōtemittitel onagōm pag-eoimgel. Oen ta gino gsas ogteli npen? Getj giloe posgi amalgalitōg, oen telimōlg ma tli npotioōg gessgemenag gisi anlapsoltioōg? tjel mo oetjitoōgs pogteo amalgeoaganōgoōmg tall gisit-pesigtetōgsep pegteo mentoigōōmg?

### A. OGOAGAN SAGAOEI

Nige getoi agnotemolōg, nōgmatot, neotetjit atoagantjijta otjit tan etli tōgotatjijta tan gōgei otji tloisig listgotjijtjg ola eimneg ag listgotja neote; sag etog tapō gasgimtelnagnipongeg tjinemag elgepenag listgotja teloitot Tonel mesgig poōoin ag ginap tan migmaoatj teloitatel, teloitemeg tjiog, tet lno etli otampis negla nagoege-la, patatotjg pitaoatimg listgotjga, tōgo listgotjoatj telegsep tes tōgag pitaoasit natji nemetjoagtemat otjit og-esigecima tan tet atel nemetjōgetj mesgig oalameg telōitemeg lamigōōm na Tonel pitaoatōgōl tapoisagal pamliila; meta negem istege lnoi sagmao. Tan totji, gisitottij oigōōmtjitel ognemetjogotinea ngote; elg na pa nelapasit gepgevatj lno teloitot goeteti; negem elg na gegonatjel poōoinal ag ginapal, istege pa ot Tonel; maltjeotj tjinem ola goetetja ag otjel gisigol pegisolatjel, tōgo elpa elp oeli pogoelgig negemōō natami tapoisagal tjel nan pamliila. Teloet ola maltjeotj piloetj getmeteg na ola otjipogto na tiolatjel migmaoatjela. Otjel telimtel, gois mogtna tlategog goltjaga mitogal gigmatja; tōgo totjio gis gisi mitogaltj, papitōgsep menaga, na me tli amgamgog, meta telimatel pogoelg na ola oetjipogta, nō na paseg tesig. Ola telimatel otjel, miamotj getmeteg elmi olagoa gis gagi npatja, telimatel, gois na nogō gil tann ma nin isotemoin elmigeniga; gato ola Tonel gegonatji taposilitji gisigoisga ag oegla gisigoisga gegonattitel elpatotjijela, tōgo tepgisteg oigōō, na neotetjit gisigoisg oelaoet. nōg mesgig tan oelaoatga istege gōgoei getoi matentimgegel na teli oelaoet, telimatel otjijitjel, eltgoal gisigo Tonel, tlimatesg, nōg nogomittjg mo oelatinogol ogoamlamonoala, mesgig tan teli nsaoetij, teloetgig, me oellag atjelitaigo pemi ologoa; telimatel elpatotjel, elmie telimatesg gogomittjg npatitj, elmi olagoa ma negemōō gōgoei gtjijitotigo igtotliaga; tan totjio apatjasit ola elpatotj agnotemoatji ogomitj tan teloelittj gisigola; telimittjig negemōō ngotio, posinetj osimolinetj, tan na negem; na positjig ngotioa gisi epgōnitpagaiaaga, tōgo neote pato papgegelel tet negoasietjig tan gōgoel etli pitasega etog natami geto oapg, tet mesi oli nepetitit Teneleottjig, totjio pesogootjijg tjiig notemittij ag notoatitji oetōm-